



In dumënia 14 de Otober él gnü sughé la sesta partida dl campionat 2012/2013 de 3° categoria por La Val. La partida é gnüda sugada te cíasa cuntra la squadra da Mühlwald, che La Val á bel batü dui iadi chësc ann de Copa Provinzia.

Chësta dumënia ne urora propi nia ester, La Val á sughé por düta la partida, mo ala fina ai impó pordü 0 a 1.

Tratan düta la partida ne el nia stè de gran Chancen da fá gol. Suradüt tl prüm tēmp, el ma stè üna na chance por La Val. Le defensur dl Mühlwald passà zoruch massa cürt le pal a so portier. Florian crëi sön la pala al röia adüm cun le portier sön le pal, spo el ciamò bun da spizuré le pal, mo al röia depüch sura la traversa fora. Le Mühlwald tratan düt le prüm tēmp ne é mai stè prigorus, fora de dui o trëi calci d'angolo, mo gnanca dailó. La squadra da La Val è metüda buna te campo. Ince sce i sogadusc da La Val á porvè da fá jüch, ne jera nia da costruí gran Chancen da gol. Magari mancial ince en pü che grinta che é gnüda mostrada tl ultima partida cuntra Raas.

Tl secundo tēmp é indô La Val che á le possesso palla. Mo le Mühlwald se cür bun dô ia, ai é prigorusc sön dui calci d'angolo. Ulache Sepl mëss fa döes beles parades por salvè le resultat. Sciöche an á bel udü tl prüm tēmp êl na tipica partida da pareggio. Mo 10 menüc dan la fin saltel fora en rigore por le Mühlwald. I defensurc da La Val ne se capësc nia, insciö röia le defensur cuntra Sepl che vëgn fora in uscita. Le atacant tira inant le pal y Sepl ne abina nia la pala. Le arbirer che é dër da lunc vëiga che Sepl abina les giames. Mo le portier á dit che le atacant (furbo) se á bel sciuré denant, deache al ne ess comunque nia abiné la pala ciamò.

Insciö ciafa Sepl le cherta cöcena y Ivan Tschaffert vá spo te porta, mo al ne é nia bun da parè.

I ultimi diesc menüc é La Val che mëss sughé in 10. Ai prô da ataché cun deplü defensursc, mo la pala ne ó nia jí te porta.

La partida se stlüsc jö sön le 0 a 1 por le Mühlwald. Cun chisc trëi puné lasciá sön trú resta La Val al 6° post te tlassifica.

Proscima partida é in sabeda ai 19.10.2012 fora de cíasa cuntra le Niederdorf.

□

**La formaziun titolara:** Kantioler Sepl, Tavella Thomas, Alton Alex, Vallazza Paolo, Castlunger Marco, Miribung Alexander, Sottara Freddy, Sottara Stefan, Tschaffert Ivan, Rubatscher Florian y Frenes Micky.

□

**Sostituziuns:**

Miribung Adrian por Miribung Alexander

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)